



Sindikata srednjeg i visokog obrazovanja,
odgoja, nauke i kulture BiH
- Kantonalni odbor TK



Samostalni sindikat radnika
osnovnog obrazovanja i odgoja TK

Broj: 02-105/20
Tuzla, 30.03.2020. godine

Broj: 02-109/20
Tuzla, 30.03.2020. godine

- Predsjednicima Sindikalnih organizacija SSVOONK BiH TK
- Povjerenicima Sindikalnih podružnica SSOOiO TK

Poštovane kolegice i kolege,

Želimo se zahvaliti svakom od vas na iznimnom trudu koji ulažete u obrazovanje i odgoj učenika osnovnih i srednjih škola kroz online nastavu. Radimo u teškim uslovima, ubrzano prilagođavamo nastavu novonastaloj situaciji a sve s ciljem da naši učenici imaju mogućnost sticanja novih znanja i da u potpunosti ne prestane odgojno-obrazovni proces.

Ponosni smo na aktivnosti koje poduzimamo i na motiviranost da uprkos vanrednim uslovima podučavamo i da sami učimo.

Profesionalan i odgovoran odnos prema našoj profesiji je prepoznat u javnosti, te ohrabruje i motiviše i druge u ovim teškim vremenima. Uz sve naše radne i svakodnevne porodične obaveze, značajan broj nas ima i vlastitu djecu predškolskog uzrasta ili svoje školarece, kojima također pomažemo u savladavanju školskog gradiva.

Sindikati će brinuti o tome da se sačuvaju naša stečena prava. Smatramo da je svaka diskusija o smanjenju plaća u vremenu kada se kao društvo u cjelini primarno borimo za ljudske živote, neprimjerena i neodgovorna, bez obzira od koga dolazi. U ovoj vanrednoj situaciji ona ne doprinosi da sve ovo prebrodimo sa što je moguće manje štete, da sačuvamo zdravlje i živote ljudi i da radimo svoj posao na način na koji nam to okolnosti diktiraju. Takve prijedloge doživljavamo prvo kao napad na naš integritet i naše dostojanstvo, pa onda i na našu egzistenciju, što ni u kom slučaju nećemo dozvoliti.

Ovom prilikom Vas obavještavamo da smo u stalnoj komunikaciji sa predstavnicima Vlade TK i resornog Ministarstva i da pratimo cjelokupnu situaciju, te da do sada nije bilo naznaka da će se umanjivati stečena prava radnika. O svim navednim aktivnostima ćemo Vas redovno informisati.

SSVOONK BiH TK



Predsjednik
Mirza Admir

SSOOiO TK



Predsjednik
Kulović Sumedin

Kulović Sumedin